

從公錄序

從公錄

丹徒戴氏多以治術名其顯要者人皆能稱之矣若由下僚勤勤積累至於爲一郡進一路其苦心殫力事尤至難如余戚友友梅者爲難得也友梅昔從余游善論世務每言一事皆反覆曲盡其本末而悉其利病心已謹之自余來山左遇之於濟南濟甯見其佐讞慎佐儲峙恪確然有定力愈賢其所爲及除守登州值捻醜東侵友梅首爲築城一六政救民甚衆

從公錄

序

十一

其心所欲行以保惠郡民者雖阻於邇憂不克遂然其防患於前致力於後已不少矣其爲政自治官書及記事之文綜爲從公錄以質於余余書其大槩如此同治二年四月會稽宗稷辰譔

從公錄序

歲辛酉丹徒戴友梅太守公來蒞吾郡下車伊始首

倡修城議登人僉以事之重且大而難成也罔弗色

然駭而公乃毅然行之未幾城工垂成而捻匪適至

是時公已調首刷旋丁內艱新任又沮於途而不果

來不得已素服視事遵舊制也於是設瞭望選偵探

峙口糧料丁壯率僚屬登城陴及一切籌備之善綜

理之周無不悉中乎機宜晝夜凡四十餘日而寇始

從公錄

序

一

從公錄

序

二

施者籌畫詳備如是此公之所以盡心民事而民所爲至今猶思慕於勿衰與

同治元年孟冬上浣治愚弟王啟曾頓首拜譏

退曩之色然駭者今始恍然悟曰我公之來也我城之修也我城之修也我民之安也餘若察吏課士辦國聽訟等事綱舉目張亦皆以清廉勤幹聞公在任甫八月而政聲卓越雖古循良之治無以踰茲矣會奉差旋里深悉我公之政績感佩者久之今公出從公錄一編以示會反覆誦繹實心實政蓋然溢於楮墨間斯誠本學問爲政事裕經濟於文章者也前著求治管見實吏治之金鍼茲則幼學壯行所見諸指

從公錄自序

余自束髮受書見夫古之實心爲民循良報最者輒

嘗心焉慕之洎乎佐筭淮饒從軍江皖以及學治東

山迄今廿餘載凡有關於

國計民生者悉勉效乎古人之所爲以期無負初志辛

酉春奉

恩命守東牟維時海波初靖南寇方興則興利除弊安內

攘外皆守土者之責也余受事以來每坐堂皇詢民

聖天

自序

疾苦接見士大夫與民謀休養生息兢兢業業時以

弗克盡心民事爲慮若課士辦團修城設防數端民

有以信我而我轉無以自信求諸

謂於公有裨也亦聊以質之同心云爾

同治元年歲次壬戌七月旣望丹徒戴筆辰書

從公錄

冉徒戴肇辰存稿

目錄

觀風告示

決科告示

勸辦團練告示

遵議設立團營章程稟

飭各州縣修城札

從本錄

目錄

飭各州縣勸築堡圩札

飭各州縣練習壯役札

飭各州縣查察書差家人札

嚴拏趕會匪徒告示

籌備郡城防堵章程

籌辦郡城防堵稟

南撫竄入蓬萊邊境經團勇擊退稟

大股南撫竄逼郡城布置防剿情形稟

連日防剿捻匪及派兵勇出城剿辦情形稟

登州一律肅清郡城酌撤募勇仍嚴密防守稟

守城規條告示

安民告示

勸捐掩埋骯骼告示

嚴禁爬城告示

重修登州府城記

附舊牘

從公錄

目錄

二

海州建育嬰堂議

青口局票鹽價由局發竈票

從公錄

爲觀風事照得建庠設校

丹徒戴肇辰有稿

觀風告示

國家隆取士之儀選秀書升長吏重掄材之任緬惟名

郡夙著人文丹崖黑水之間人鍾靈秀劉寵王基而後代有英賢亦越我

朝甲第則累科踵起繼茲今日絃歌則四境相聞蓋居

從公錄

十

近聖人沐禮樂詩書之澤而洲名君子儲菁莪棫樸之材本府世受

國恩家承祖訓讀書廿載用愧通經作吏廿年仕猶好學茲者承

恩北闕忝守東牟溯冀渤海之遺型心恆嚮往仰蘇文忠之雅化志切續承察吏安民政治敢寬於正已採風問俗教施先重乎作人爲此示仰闔屬生童知悉本府擇於三月初三日前赴書院局門考試各生童屆

期黎明齊集聽候點名鴻藝分呈豹班共現想各擅

雕龍之技功足三餘何難試倚馬之言中經萬選轉

瞬桂宮擢秀煥列賢書他年

杏苑蜚聲蔚成

國器鵬修勉爾鵠跂副余特示

決科告示

爲決科事照得鹿鳴啟宴詩咏食苹鴻漸爲儀易占
升木禮崇造士三年隆大比之文任重興賢羣吏慎
獻書之典欽惟

聖世化治菁莪編此名邦才儲棫樸那萬石舉鄉而後鵠

起聯翩賈蕃男掇第以來鴻才炳蔚溯解元之衣鉢
自昔稱賢仰宰相之門庭於斯爲盛生等生逢

昭代居近聖人會蓬島之神仙禰衫利市萃瀛洲之學

從公錄

士霓羽蹁躚業富曹倉久矣兼箱素裕

恩濃

聖闕欣茲蕊榜宏開宜乎共踏槐花遂九萬里鵬飛之路
爭占榴實聯七十士鵠薦之名本府詩禮家傳科名
世澤讀書蓬蓽幾回夢繞名經習吏風塵差幸俗敦
文學慎掄才於夏課勤校閱則躬事丹黃卜獻藝於
秋闈取功名則手拾青紫爲此示仰闔屬諸生知悉
本府擇於本月十五日前赴試院高門考試各生務

宣黎明齊集聽候點名兩藝分呈篇閱錦繡一詩均賦韻叶珠璣各試一日之言勿盡三條之燭吐昌黎

之丹篆一噴一醒數張鶯之青錢萬選萬中騁長才

以雄顧盼定空馬羣分薄俸以備獎資敢矜鶴飼漫

道是龍不信願諸君共奪錦標惟期題雁同登嘉多

士爭聯玉筍本府實有厚望焉特示

徒公錄

四

勸辦團練告示

爲勸辦團練事照得團練之法卽古者寓兵於農之意無事則各安耕作有事則互爲聲援良法美意莫善於斯自軍興以來各省欽奉

諭旨次第舉行上年又奉

特旨通飭勸辦仰見

聖天子屢念民傷無微不至凡食毛踐土者允宜恪遵

諭旨實力奉行以期下衛梓桑上紓

徒公錄

五

宵旰查登州爲海疆要地上年各屬團練一律整齊

各大憲均深加褒獎第恐日久懈生未免始勤終惰當此南捻肆擾青萊之時尤應嚴密防範庶克有備無患合行出示曉諭爲此示仰閩屬紳士軍民人等知悉務須查照上年章程認真辦理精益求精選丁壯以充隊伍備器械以資捍衛聯村莊以壯聲威籌經費以充公用勤練習以備守禦嚴稽查以杜奸宄日則常川巡察夜則輪流支更切勿稍事畏難以致

有名無實是則本府所深望也毋違特諭

稟遵議設立團營章程由
敬稟者編_{卑府}於五月二十九日奉

憲臺轉蒙

撫憲譚札開以據灤口紳士請設團營意欲大小州縣各選丁二三百名送省訓練口食悉出於本鄉其言不無可取飭將抽丁集費二事並或遺或府各立一團營悉心妥議稟覆等因仰見

大人慎重團防虛加採訪曷勝欽佩_{卑府}自到任以

從公錄

七

來節經整飭團練傳見蓬萊縣城鄉團總曉以利害使各奮勉從公自爲保衛各屬團練亦均飭令認真舉行該紳民等均各實力實心無敢懈怠惟登府民情誠樸非西府强悍可比謹就地方情形並管見所及爲

大人陳之伏查_{卑府}所屬一州九縣僻處海隅民貧地瘠自來務農經商自食其力往往戶有二丁卽有一丁赴奉省貿易謀食年幼者亦皆讀書習貿各有

專業其貪苦之家大半浮海營生魚鹽爲業蓋富者少貧者多無不親身營謀藉資衣食並無游手好閒之輩去歲奉文辦理團練適值海防喚緊之時該紳民等亦皆知戮力同仇因恐有征調之煩遂不免意存觀望嗣經

升任本道憲責親臨督辦剴切曉諭斷不征調始各一律圓成本年二月逆捻竄擾青萊各屬距登不遠卑府督同各官紳籌辦郡城防務稽查保甲按戶抽從公錄

八

丁舖戶夥計居其半讀書處館居其半雖各努力向前提而人數無多不得不添募壯勇應募者亦皆工匠手藝之民其時因賊氛密邇人心惶恐咸知防守城池卽所以自衛家室故各欣然樂從迨逆捻回巢後各丁勇等仍復故業如常至四鄉團練盡係務農之人三時力田乘隙習武無事則各安生業有事則民自爲兵卑府督同蓬萊縣張令與各閭總商定分三路扼要防堵章程正西山路擬於草店三十里鋪就

本處民團憑險堵禦調附近之辛里等社爲策應西南河路擬於宋家店白馬廟就本處民團擇要防守調附近之生莊等社爲策應東南山路擬於龍山虎山就本處民團連村防堵調附近之鳳翔等社爲策應設遇有警即可互相聲援以資防勦並飭令各屬一體酌量派辦若欲按戶抽丁按地出丁送或遣或府立營訓練其讀書貿易之人一旦執械從戎固難期其強勁而養贍無資斷不肯棄室家而不顧其耕從公錄

九

田力穡之人旣難棄其田疇亦萬無捨其本村之身家不自防禦而輕去其鄉之理似此情形微特各州縣地方遠或距道府五六百里近或距道府一二百里勢難抽丁送練裹糧相從卽各鄉村鎮距城較遠之區亦難於無事時責以入城常行訓練致荒本業至集費一節向時南省無事商賈藉懋遷以獲利尙易勸捐經費刻下南北道梗舖戶強半歇業現辦團練定期操演及製造器械等項經費已屬不支若再

抽調壯丁二三百名責令捐助長年之口食其費

有所不能卽以黃縣而論向稱富厚近因周村被擾後各商本業大虧而捐助軍餉捐修圩工輸將不少恐同時籌捐丁費亦非易易此登州各屬之實存情形也至各府情形不同卑府未經親厯亦不敢懸擬

大抵團練之法總不外於因時制宜相地制宜平日則搜捕土匪稽查宵小以防內患臨事則聯絡村堡選練丁壯以禦外寇有守望相助之功無遷地弗良

之弊是本地方官督率紳董實力奉行庶官民聯爲一氣而團練非徒托空文矣是否有當合肅稟呈

大人鑒核

飭各州縣修城札

爲飭修城垣事照得南捻竄擾青萊各屬雖經兵勇擊退而該捻飄忽靡常難保不去而復來自宜豫爲防剿計以期保衛地方則修城實爲目前第一要務伏查咸豐九年八月漕院袁奏奉

上諭軍務省分捐修城垣照捐輸議敘出力者照軍功請獎欽此等因本省連年南捻竄擾係有軍務省分捐資修城有備無患萬一有警四鄉輜重人口皆可入

從公錄

城相機守剿洵堅壁清野良法除郡城已由本府督率蓬萊縣張令勸捐興修外合亟札飭札到該牧立卽查勘城垣如須修整趕緊妥爲勸辦並將籌辦情形先行稟覆切切毋違特札

從公錄

飭各州縣勸築堡圩札

爲勸築堡圩事照得城垣所以保衛地方前經本府
札飭該牧令查勘興修在案查各州縣四鄉距城較遠
處所設有警報恐難遷徙自宜將小村併入大村多
築堡圩以便有事時共相防禦庶糧芻釜壘之用勿
使賊有而野無所掠賊自不敢輕犯且旣有團練可
戰尤必有堡圩可守方爲萬全良策惟登俗誠樸素
不知兵驟責以築堡圩等事民情恐亦未洽是在該
從本錄

主

飭各州縣練習壯役札

爲挑選壯役勤加練習事照得團練係有備無患良
法前經本府出示曉諭並札飭該牧令實力督辦在案
查各州縣設立民壯等役本爲緝捕盜賊起見現當
地方多事舉行團練該牧令職任督辦自宜挑選壯役
勤加練習以爲民倡設遇有警報該牧令親督壯役首先
擇要駐紮以備迎剿庶城鄉團練志固氣壯而官兵
一體聲勢聯絡實屬可戰可守足以靖賊氛而安地
從本錄

主

方合亟札飭札到該牧務卽挑選壯役一二百名捐
廉置備器械認真操演並按月給發錢文仍於技藝
嫋熟者時加獎賞俾民間知所觀感而團練亦因以
得力所關於保衛民生者甚大該牧令官稱父母諒與
本府有同心也切切毋違特札

飭各州縣查察書差家人札

爲嚴行查察事照得州縣爲親民之官宜稱父母須時時以民爲心以民爲事亦斷無不愛民之理而愛民之政往往難於下逮者實由外而書差內而家人互相勾結蒙蔽以至無弊不作爲地方害本府久悉其情形到任以來接閱民詞遇有控告書差索詐兼及家人包庇之案細加訊問不盡捏詞聳聽若非該管官嚴加查察有犯必懲未能除蠹何以安良合行

從公錄

札飭札到該州縣務於一切公事親自裁度而凡書差家人約束於平時尤稽察於臨事倘查有通同舞弊等情宜卽從嚴懲辦斷勿知情徇縱致誤公事而害民生也切切毋違特札

嚴拏趕會匪徒告示

爲嚴行稽查事照得登郡各屬於四五月間向有山會廟會演戲數日以通商賈其時削字算命打唱等人均來趕會又有西來乞丐每於鄉間強乞惡討受害地方並有一種不法之徒隨會聚賭尤屬可惡現當南捻肆行賊踪剽忽若不嚴密稽查難保無奸細乘間混入合行出示曉諭爲此示仰閩屬官紳士民人等知悉每逢山會廟會之期遇有外來趕會人民

從公錄

一體細加盤查如查有游民匪類及聚賭等情立卽送地方官盡法究治驅逐出境自此示諭之後倘敢仍前滋肆不服盤查定將該匪徒照凶惡棍徒例從嚴懲辦決難姑寬本府言出法隨切勿視爲具文也憚之毋違特示

籌備郡城防堵章程

一請紳董一二二人總管局務與地方官籌辦一切事
件他人不須妄參意見庶事歸畫一方可有條不
紊

一請紳董一二二人管總局帳目專司銀錢收發所發
之款均須地方官及管總人圖記條照辦仍按五
日將收發各帳開列清帳二本一送地方官一存
局中按月報一月總並榜示局門

一火藥軍裝等項須預爲製備請紳董一二二人專司
收發所發之件均須地方官及管總人圖記條照
辦仍按十日將所收發各件開列清單一送地方
官一存局按月報一月總

一按月所用錢文須按戶按店計日捐錢備用所有
捐錢章程另行妥議

一四城礮台宜將礮位安放得法以免開放時致有

疏虞

一四城安礮處所宜設窩棚守城時須派習放礮
兵勇在棚防守並須按礮台安放水缸以便用水
洗礮

一四城門樓及三水門以兵勇守之城塲以戶丁守
之如遇警即可互相策應

一戶丁站牆須於無事時按牌查明每牌設一隊長
責令隊長在牆垛上註明姓名以便守城時按名
站立設有不到亦可按名稽查

從全錄

右

一四城燈籠旗幟須按牌製備二付歸隊長管理一
付書明某街第幾牌字樣於無事時各揷門首晚
間支更一付書明某街團勇第幾隊字樣以便上
城

一城內須練勇二百名設立十長百長派會經戰陣
之一二人管帶並聘請教師按日操演地方官不
時閱看如有警須添僱壯勇亦歸平素帶勇之人
統帶庶責有專歸不至有名無實

一清查保甲須按街設立一簿先將男婦大小口數

逐一註明由牌長街長查察遇有搬移及外來之

人均須於牌內添註仍由地方官隨時抽查

一四坊柵欄晚間均宜關閉以二礮爲定如有來往

之人須隨時詢明放行

一城內民人宜諭令家內預備一月糧食柴草以免

匱乏

一灰石等件須於無事時早爲籌備

從公錄

一於賊信緊時四城須於日間每門派文員一人帶
勇二名武弁一人帶兵二名局中派紳士二人勇
四名稽查出入夜間亦照數派查

一於賊信緊時須每日多發各路探馬

一鄉間圍練須按各鄉派老成可靠之人認真舉行
並捐製器械火藥以備不虞

一險要處所須於緊急時調集各團並派人統帶兵

勇往堵

稟籌辦郡城防堵由

各憲登次札飭南捻有竄撲膠濰之信飭卽籌辦防

務當卽行知各屬一體嚴防在案本月十三日

卑府

接據黃縣何令稟稱南捻於十一日由莒州一帶分

股竄至平度州地方馬隊約三千名步隊不計其數

該縣已嚴密防堵等因續據各路探報另股南捻於

初十日竄赴萊陽黑石埠地方十二日逆匪由平度

從公錄

竄至掖縣十四日竄撲新城十五日竄至北馬十六
日又有竄至南店之信距郡城只八十里人心大爲
震動

卑府

先卽會同登州鎮督同蓬萊縣張令將防

剿一切事宜妥爲籌商數日以來已將存營兵丁全

數傳集復飭練局齊集團練添僱壯勇登城分段守

禦並諭令芝山王里郭諸谷等社各團總等遵照前

派段落節節扼要防禦一面移會同知圖桑阿總司

巡查並遴委府學訓導陳官懋縣學教諭張嵐奇府

經歷章嗣曾蓬萊縣縣丞李廣勤典史江瑞采海陽

縣巡檢王庭輝緝私委員鹽大使茅春綬捐釐委員

知州周濤從九楊茂松分府縣丞孫耀祖未入流滿

永嘉方鼎元等或按門日間稽查出入或清查街道

或夜間分門巡查或按戶清查保甲所有一切用項

非猝爾所能捐辦卑府札委蓬萊縣督同練局紳董

等酌將各典公項生息銀錢提用並催捐修城工未

繳錢文一併動用俟事後再行勸捐歸款凡支銷各

發本錄

辛

從本錄

辛

項係卑府督同蓬萊縣明定章程交練局紳董趙元
章慕曰鐸王作霖楊成林等認真經理不入胥吏之
手卑府仍督同蓬萊縣隨時查察至需用火藥鎗礮
灰石等件均已趕緊備齊合郡民人因城工已修及
九分以上足資守禦均屬踴躍從公並未遷徙鄉間
居民移至城內者不少亦尙安靜卑府仍當會同登
州鎮督同蓬萊縣隨時督飭紳民兵勇等嚴密防範
以期衆志成城所有現辦郡城防守情形理合稟報

大人查考

東南捻竄入蓬萊邊境經團勇擊退由

敬栗者竊卑府於十七日將籌辦郡城防守情形稟

報

憲鑒在案續據探報知賊匪於十六日到北馬後四處分竄其北路一股直竄至黃河營小河口等處其南路一股在黃城附近之數里及十數里地方逼追諸由觀等處距郡城只三十里勢甚緊急卑府先卽會商登州鎮督同蓬萊縣諭派芝山社團總六品銜

從公錄

垂

徐同泰聯絡王里平山等社西南四十六村團勇四五千名分赴茶棚北東岔路東南正南各路迎擊以防賊匪南竄又派西關團總國子監學正朱昌霖赤山社團總生員王賴發等統帶附近各村團衆數百名前赴石門一帶堵擊接應史家溝朱潘社等團以防賊匪沿海東竄又派南王緒北王緒兩諸谷等社團總各帶本社練勇前赴峯北頂一帶扼要駐紮以防賊匪沿海西竄十七八等日該賊竄至樂家口一

帶未及放火被鄉團格殺二十餘人竄赴北溝之賊經鄉團格殺數名其茶棚石門各路團衆搖旗呐喊鎗礮之聲震動山谷該匪未敢深入旋卽南退十九日早各團奮力前往追剿北王緒團總曲守基率本團二千餘人追賊擊斬殺賊四十五名團勇陣亡十二名是日賊退至三家仲家地方距郡城七十餘里至城中巡守事宜經登州鎮督飭水陸將弁統帶營兵卑府督同官紳統率勇練晝夜登陴守禦復因岳從公錄

垂

勇不敷防守按戶抽丁按十丁出五丁以一半於城下支更巡查以一半於城上站垛委員紳士分坊統帶其修城工匠均僱募在各城一同站牆數日以來兵勇民夫均屬踴躍地方亦尙安靜至北門外之備倭城亦由卑府會同登州鎮督飭水營將弁及紳耆等查照防守郡城章程一體合力守禦並由卑府遴委候補從九品崔道履稽查船隻巡查街道亦屬嚴密惟賊踪飄忽無定現雖擊退難保不去而復來卑

府會同登州鎮督同蓬萊縣仍諭令各團扼要堵守

以遏賊鋒城守一切仍照章辦理毋稍疏懈城外各

鄉民避入城者不下數千人均屬安謐所有賊匪竄

入蓬萊縣境經團勇擊退現仍嚴密防守緣由合肅

馳稟

大人查考

從公錄

看

從公錄

畫

稟大股南捻竄逼郡城布置防剿情形由
敬稟者竊卑府^{卑府}登將郡城防守及初次賊竄蓬萊縣
境經團勇擊退並各屬剿匪情形分別稟報

憲鑑在案^{卑府}誠恐賊踪飄忽難保不去而復回所

有郡城防守事宜卑府會同登州鎮督同蓬萊縣認

真籌畫仍未敢稍形鬆懈並分遣探役確探賊蹤去

後二十八日接據探稱大股捻匪於二十八日竄至

黃縣之北馬地方馬隊數百名步隊不計其數等因

從公錄

畫

二十九日辰刻接棲霞縣吳令稟稱大股南捻於二
十六日竄至招遠之義道村二十七日竄入招遠棲

霞交界之畢郭集馬隊數百名步隊漫山遍野不計
其數等因午刻又有竄至諸由觀黃河營野張家等
處均被焚掠之報郡城兩面受敵勢甚危急當由登

州鎮派舒泰帶中營升兵趙明堂范道忠帶右營兵
馳赴蓬黃棲交界地方迎剿並由卑府派城內團總

阮廷珍李炳輝等各帶壯勇會同剿辦並一面飛調

東西南三路各團節節援應以遏賊入郡之路初一
日子刻賊分三路直撲郡城一由沿海道路竄犯北
溝圍總楊漸鴻等接仗槍礮齊施擊斃賊百餘名奪
馬三十餘匹復鏖戰一晝夜之久南王緒諸谷赤山
社西關等各團總率領團勇奮往救應連獲大勝一
由西路竄犯三十里鋪舒泰等行抵茶棚前往迎剿
該逆逼近茶棚該弁兵勇圍等奮力攻擊開放槍礮
轟斃賊匪多名又生擒該逆一名當卽就地正法賊
逃遁

從公錄

卽退卻一由南路竄至朱家店平山河一帶趙明堂
等會同團總徐同泰等奮勇截擊格斃賊百餘名復
追殺十餘里殺賊多名奪獲馬十數匹官兵民團裹
帶乾糧鏖戰至晚勇氣百倍而該逆另股甚多此擊
彼竄東擊西竄晚間分竄至徐家集北王緒高家莊
各處焚掠趙明堂因天氣陰黑且寡不敵衆當卽撤
回舒泰等亦卽撤隊北溝等團因火藥缺乏團總王
元愷王樹濤力竭陣亡其餘團總練丁傷亡不少亦

義

從公錄

卷

卽折散初二日黎明徐同泰等各團在平山河與賊
接仗時大霧迷漫西南風起該逆等四面圍攻徐同
泰衝隊而出退保芝山本莊該逆馬隊西至離城之
三里橋五里橋地方東南二路亦有賊匪逼近城下
經登州鎮會同卑府督飭城上兵勇等開放槍礮賊
始退去午後仍在距城附近村莊一帶焚掠晚又陰
雨狂風天色昏暗該賊時在城外之東西南放火有
十數處之多防守更宜嚴密登州鎮督同中營舒泰
右營毛鳳嶺水師後營施元敏及水陸將弁等卑府
督同印委各員及紳董趙元章等分門駐守晝夜往
來梭巡兵勇民團亦俱站垛守禦初三日黎明該逆
竄至樂家疃沙家莊五里堠一帶焚掠邊馬復至北
關外之校場東西關外之一二里地方逼近城垣勢
甚喚緊復經城上開放槍礮而退此連日防剿之實
存情形也現在沿海沿山一帶賊隊不少存城營兵
只有三百數十名壯勇只有千名實屬賊衆我寡卑

府會同登州鎮督飭蓬萊縣惟有嚴密防守相機剿辦以期衆志成城所有連日剿辦大股逆匪及郡城防守情形合由六百里稟報

大人查核

稟連日防剿擒匪及派兵勇出城剿辦情形由敬稟者竊卑府昨於初三日申刻將大股擒匪竄逼郡城布置防剿情形稟報

從公錄

卷

從公錄

卷

又有該匪邊馬由海道至北門城下經北門兵勇及備倭城上兵團兩面夾放槍礮該匪逸走初四日辰巳之間該匪復分遣邊馬至西門外之對面山溝及朱潛社地方安插大旗並有騎馬賊往來山賴瞭望登州鎮及卑府巡行四城督率文武貞弁兵勇民團實力嚴防午後該匪馬隊距城較遠晚間火光亦漸遠登州鎮派令舒泰等帶領弁兵卑府督飭蓬萊縣統率壯勇並派城內團總翁樹培等管帶練勇於初

五日黎明出城分路追剿開放槍礮城上亦開放槍礮以壯聲勢該匪不知我軍虛實卽紛紛逃竄復擊獲土匪十餘名由蓬萊縣押帶入城訊辦初六日早復據赤山社圓擒獲紅衣賊一名送至城內經_{卑府}督同蓬萊縣訊明正法連日據被裹逃回難民供稱

賊竄至蓬萊境者計四十隊約有數萬分旗五色分股四處焚掠屢次遣人至城下探我虛實見城垣完整防守嚴密始有回竄之信現探明該匪已由東三

正法再現據各團報稱北溝社團總歲貢生楊漸鴻生員楊長春王里社團總劉錫齡於初一二日接仗陣亡受害甚慘除將被掠村莊並傷亡團總練丁再行查明辦理外所有連日郡城防守情形並派兵勇出城剿辦各緣由合肅馳稟

大人查核

卷本錄

集

十舖潮水集等處竄往福山一帶_{卑府}仍會同登州鎮督同蓬萊縣及將弁委員紳董等於城上城下嚴密稽查防守以期靖地方而遏賊鋒至四鄉難民於二十八九等日入城者以數萬計當經妥為撫卹城中需用火藥派人由煙台購買航海運回郡城兵勇紳董團練人等均屬踴躍從公不辭勞瘁至北門外之備倭城由登州鎮督飭水營將弁_{卑府}諭令委員紳董等辦理亦屬嚴密並擊獲奸細二名當卽就地

稟登屬一律肅清郡城酌撤募勇仍嚴密防守

由

敬稟者竊卑府前將郡城防剿情形迭次稟報

憲鑒在案卑府現據萊陽陳令海陽倉令稟稱捻匪

全數出境由膠州卽墨一帶南竄等因卑府前因賊

踪飄忽滋擾各縣郡城防堵一切未敢稍疎且恐零

星土匪乘間竊發卑府督飭蓬萊縣親赴四鄉帶勇

搜捕拏獲土匪十數名訊有王天魁初成萬二名均

從本錄

係搶奪財物致死人命當卽遵照歷奉

諭旨通飭立予正法以昭炯戒其餘各犯再行酌核情罪

分別辦理四鄉被害人民除有家屬者自行掩埋外

其無主屍骸卑府倡率捐資飭委蓬萊縣縣丞李廣

勤候補縣丞孫耀祖候補未入流滿永嘉等會同紳

董分赴各鄉親往掩埋卑府現查各縣賊踪均已遠

履登屬一律肅清郡城辦防一月有餘需用浩繁經

費不繼應將僱募壯勇酌量裁撤卑府仍會同登州

鎮督同蓬萊縣會督文武員弁照常稽察營兵練勇照舊巡查城關圍練認真操演以期內安外靖至此

次守城剿賊一切給發勇糧置辦旗幟燈籠火藥鉛火油燭帳房以及屯城運礮等件自八月十四日起至九月底止計用大制錢八千餘串係挪用生息公

項大錢二千七百千文餘均紳董挪借現由卑府督飭蓬萊縣督同委員紳士勸捐歸教此項係屬民捐

民辦例應免其造冊報銷除將郡城辦理防剿應獎

從公錄

應卹各案另行稟報被災村莊由蓬萊縣查明詳請

委勘外所有登屬匪已出境一律肅清及郡城酌撤

募勇仍嚴密防守各緣由合肅稟報

大人查核

守城規條告示

爲示諭事本府現酌定守城規條該紳民兵勇人等各宜遵守毋違所有防守各條開列於後

計開

一城上凡衝要處所須安礮位一尊視路之多少安礮如之餘按幾處垛設一擡槍按幾處垛設一鳥槍見賊來遠者先點大礮次擡槍逼近再放鳥槍不可亂放致糜火藥鉛子

從公錄

一城上多運磚石隔數武一堆如賊臨城或緣城而上以磚石擊之倘有畏縮不前及聞警逃避者軍法從事

一安放火藥缸鉛子等處所須有幹人看守尤宜

謹慎火燭

一城上防守人等晝則換班喫飯夜則輪流睡覺並須多備燈籠用桿繫繩下垂離地七尺上蓋瓦片防雨火光下映我可見賊賊不能見城上

一城上巡查每門俱分兩路一班巡畢另換一班均巡查至各門交界而止遇有奸細巡查之人拿送守垛各人不得前往

一城上防守兵勇分別由營縣督率各坊團勇亦有督率之人以十人爲一隊每隊設立一長每十隊再立一長統之由紳士公舉誠謹之人司其事並於垛口用粉筆書明隊長姓名並將守垛之人姓名逐段書寫以便稽查

從公錄

一城上守禦宜安靜不宜喧譁卽有動靜亦須悄悄知會切勿大呼小叫

一城上夜間傳令擊柝支更不必用鑼遇有事之時再以鳴鑼爲號

一豫置用印火簽分給四城委員紳董收領設遇賊臨城人不敷用該委員紳董卽遣差持簽赴近城左右調取壯勇若干名幫助如有畏縮不遵者軍法從事

一、四門礮臺設有礮位民夫不諸點放所有設礮各臺以兵勇酌派守之

一、賊在城外放火呐喊城上人切勿驚慌愈靜愈

妙城上設有火由就近守城之人撲救遠處城上人不得驚疑城下設有火由城下查街守坊之人撲救城上人亦不得驚疑倘有驚亂下城者軍法從事

一、查照保甲清冊按十丁出五丁上城堵塗五丁

從公錄

卷

從公錄

卷

並支更民人徹夜巡查寺院歇家時加密察如有外來可疑之人查拏訊究

一、守城兵勇團丁須由該管官紳將守城規條及一切事宜向其訓練講求細加剖說使彼此胸中熟記如有不遵規條而怠玩從事者兵丁由營責懲丁勇由地方官責懲

一、守城既定城下亟宜守坊巡查委員及該街長

安民告示

爲明白曉諭事照得上天有好生之德聖賢有哀矜之心凡我官民辦事不可不嚴密居心不可不慈祥持論不可不平允興利除弊職是爲先本府自服官以來愛民疾惡無不視公事如家事以期無愧我心昨因賊氛密邇新任未到不得不查照定例素服視事會同登州鎮督同蓬萊縣辦理一切防剿事宜凡守城查門巡街辦團支更等事幸賴我紳衿耆老任從本錄

秉

勞任怨實力贊襄居民鋪戶人等志切同仇共相保衛本府深嘉尚焉惟賢愚固多不一意見亦復難同且有無知之徒妄造謠言好生議論以致人心震動物議沸騰實屬有悞大局本府不得不爲爾等剖析言之前於八月間各城放入難民以數萬計其時有謂恐奸匪從中混入不願收留者今屯城數日城中肅然難民亦安靜無事開城以後各難民紛紛回鄉其中房屋田產已被焚掠而人口因在城內得以保

全性命者正復不少此卽收難民之有利而無弊也初四日本府等譏閉城門其時又有謂賊鋒相去不遠恐奸細乘間爲亂或賊匪聞信復來者今開放北門數日昨又開放東門各難民得以回顧田廬村舍城內亦得以運進糧草無數居民便焉此卽開城門之有利而無弊也至拏獲土匪並脅從難民及形跡可疑之人本府督飭蓬萊縣及委員細加研鞫前據赤山社拏獲紅衣賊一名訊係從賊充當前隊且有從本錄

秉

黃縣二難民爲証當卽立予正法其餘所獲之人必須供証確鑿方能持平定讞其有實係從賊爲匪或乘機搶奪者固當立置重典其有情罪較輕者亦當分別予以軍流或枷責示衆其有實係被擄難民乘間逃出者卽當格外矜全俟事平後遞解保釋本府於用刑一道固不敢失之縱亦不敢失之枉卽如前獲雨山社之人帶有火藥火繩等件訊係接仗圍丁衝隊失散經本城人取保當卽釋放是形跡雖有可

疑而實係無辜亦何忍再行刑押此卽審案之以期

有利而無弊也現在賊氛漸遠何利當興何弊當除

該紳衿耆老居民鋪戶人等果有真知灼見卽當公

同確議剴切稟陳至道聽塗說之事大半傳聞失實

訛以傳訛斷不可輕信妄聽致使羣情搖惑合行出

示曉諭爲此示仰閩郡人等知悉本府一日未卹府

篆卽當爲地方辦一日事官與民親則血脈流通官

民聯爲一體而情無不通卽事無不治爾等務仍嚴

徐公錄

事

查城門巡查街道盤詰奸宄城上壯勇均督令認眞防守四坊壯丁亦均照舊於夜間輪流支更倘聞警仍一體登城協守總期嚴密以辦事慈祥以居心平允以立論庶幾感召天和安靖疆圉共享

承平之樂本府之望地方之福也特示

勸捐掩埋骯骼告示

爲勸諭捐資掩埋被害民人事照得捻匪竄擾登境

各鄉多被蹂躪耆老團丁人等或衝鋒陷陣効命捐

軀或遇賊不屈致被殺害婦女人等或聞警自盡或

見賊被戕其忠義節烈之氣上亘雲霄志實可嘉情

尤可憫本府爲地方之長未能爲生民保衛致命各

鄉人等慘遭鋒鏑愧莫甚焉痛責深焉現查各鄉被

難人等除有家屬者自行掩埋外其無家屬者橫屍

徐公錄

事

道途裡食蠅嘬言念及此其何以堪亟宜捐資掩埋以慰忠魂而勵義氣合行出示曉諭爲此示仰令郡人等知悉務宜量力捐資多多益善由本府委員會

同紳士前往各鄉親爲妥辦昔周官有除骯之典載

記有掩骼之文文王躬行善政澤及枯骸矧今之破

賊戕害者皆鄉黨鄰里之人尤爲痛癢相關者乎爾等其各竭力盡心共襄善舉以感天和而消兵沴本府實有厚望焉特示

嚴禁爬城告示

爲出示嚴禁事照得郡城瀆臨海嶠爲一方之保障

實十屬之屏藩全賴崇墉方資表海前因年久失修

墻垣多半傾圮本府於本年春間首倡捐廉並勸諭

紳商富戶一體捐輸估工修築以固藩籬而資防守

計自興工以來時歷六月欵逾二萬始克一律修竣

入九月間南捻兩次竄擾登郡城內人心鎮定城外

避難入城者以數萬計該逆屢次窺伺未敢圍攻旋

從金錄

聖

卽退去未始非城垣堅固之效也惟查向來惡習往往有無知之徒任意作踐黑夜爬越並放馬於城墙附近處所踐踏以致墻磚殘壞殊屬不法合行出示嚴禁爲此示仰閩郡軍民人等務宜知修築城垣係爲保衛地方起見毋得仍前作踐爬越及放馬踐踏致干查拏倘敢於此次示禁之後復蹈故轍無論何項人等定卽照例從重治罪本府言出法隨決不寬

貨特示

重修登州府城記

咸豐十一年二月余奉

簡命知登州府事時頻毫捻衆數萬渡河北犯駁駁逼登

界郡人大震余旣受事周視城垣則圯壞者過半乃

率屬吏集士民告之曰賊旦暮且至城壞易以守今

必新之諸君家室皆在焉請各輸資助工太守且捐

俸爲倡士民踴躍從命於是量委延度高卑揣厚薄

購物料計財用募役至孟夏始克興工城周九里

從金錄

聖

以事之急也畫分爲四弁力修築及秋南捻兩寇登
郡時城已完十之九守禦粗具人恃以無恐鄉民避
寇至城下者悉開門縱之入所全活以數萬計賊窺
伺者屢以城堅不敢逼遂走至十月城竣十一月櫓
櫓完繕計其用凡爲錢二萬三千餘緡其出入皆以
郡士大夫主之胥吏不得預故工鉅而費省旣歲事
郡人請爲之記余曰斯城之修所全實大夫豈余功
抑亦士大夫之力雖然余之志不僅是也余奉

天子命來守郡郡之屬邑凡十皆余責也余欲合十邑之

民相與戮力度地勢而築之堡簡丁壯而授之兵教之以忠義申之以節制無事則散而耕有事則聚而守緩則各備其地急則互爲聲援使寇不敢窺吾境而民不失其業然後上有以供正賦而大義明下可

以保室家而生養遂爲民至計無以逾此而受任倉卒大寇逼至不得已先其近且急者而託始於斯城

逮城之竣也余已奉諱去官不得竟吾志後之人必

從公錄

醫

有以處之士大夫若恩報

國恩懋甚後患率其子弟奉上之令以善其後則所望也若矜矜焉侈一城以爲功豈余之意哉衆曰敢不奉教請卽書此於石乃記之從余督工者署蓬萊縣

知縣張國華府學訓導陳官懋縣學教諭張嵐奇郡

人之司事有勞者廣東候補知縣趙元章浙江候補

縣丞慕曰鐸山西候補布政司經歷王作霖薦舉孝廉方正楊成林前陵縣訓導辛琦例得附書

海州建育嬰堂議

伏以湯嬰一事最爲地方之惡習而海州爲最則海州之嬰兒不可無以收養之矣查江南省各州縣多有育嬰堂而海州獨無之卽以兩淮而論揚州通泰二屬及儀徵縣均有育嬰堂而海州獨無之夫海州自改革後每年銷行票鹽及江運五十餘萬引商販鼓舞來歸可謂盛矣設於此時議建立育嬰堂亦復何難而或者曰當此庫款支絀之時淮北經費稍有

從公錄

墨

盈餘尙宜貼補淮南之不足似亦無閒款爲建立育嬰堂計不知欲行此舉不必取諸庫中卽查照義倉按引攤捐一分之例已可舉而行之或又曰場商大抵爲利查照義倉按引攤捐一分之例辦理此事恐未必盡能遵行不知場商近來因銀價昂貴獲利較多在當日之場商獲利不如今日之多尙肯攤捐義倉經費豈至今日獨不可攤捐育嬰之經費乎況所

不樂於從事也或又曰收養嬰兒日積日多經費恐

不足且創立之始買基建屋需用浩繁計將何出不知按引攤捐一分以票鹽及江通引數計之每年可得銀五千四百兩創建之議既定以一年捐款置地期建次年再行收養嬰兒未爲不可至收養嬰兒之數按銀數之多寡則經費亦不必豫憂其短絀或又曰海州民婦願爲乳婦者少恐招集乳婦亦非易易不知海州地廣人貧豈無乳婦况鄰境亦可招集何

從公錄

異

足慮乎夫海州善舉無如義倉一事義倉之設爲賑濟災竈起見其法良善然苟無義倉尚有商人可以自行賑濟各竈豈若嬰兒之失所不有育嬰堂以收養之卽不免沈溺之災乎念及此而知海州之不可不建立是堂也爲孔亟矣且天下事苟有益於生民卽甚難創建者尙思竭力以成全之而况海州之捐立育嬰堂猶反手之易易哉至於辦理一切章程則有揚州儀徵育嬰堂之舊章在更無難取而法之矣

青口局票鹽價由局發竈票

敬稟者本年青口局票鹽缺產至一萬四千餘引之多雖曰天時豈非人事哉觀於票商之短發鹽價可以知之矣查青口局票鹽定例每引鹽價銀六錢駁費銀一錢二分本年因票商裹足不得不權宜辦理將鹽價駁費由票商自行給發不意票商惟利是圖僅給竈丁每引鹽價駁費六百八十文甚至希冀改撥太平中富餘鹽並將應給竈丁錢文故意遲延不從本錄

異

發致使窮竈急於謀生透私而不盡歸公竈固不肖商亦太貪夫竈丁有局員以治之其透私原無難嚴拏究辦第鹽價由商發竈官不能禁商之不短發價獨能禁竈之絕不透私乎卽云能禁恐亦陽奉而陰違也故鹽價不由官發竈則官之治竈無權卑職以爲凡事責得其平未可偏重商無利則不得不恤商有利則不得不恤竈且竈較窮於商卽待竈稍優亦不失周急不繼富之旨而況鹽價由局給發爲慎

重公事起見固非有偏倚於其間哉應請甲辰綱收課卽將鹽價同正雜課齊收出青口局員請領發竈隨時稽查各竈收鹽實數倘有透私情弊立卽從嚴懲辦庶竈情可洽鹽額可足而於票商亦無窒礙矣是否有當伏祈

憲鑑

從公錄

署